

ხ ე ლ შ ე კ რ უ ლ ე ბ ა №37

სახელმწიფო შესყიდვის შესახებ

ქ. საჩხერე

28 მარტი 2017 წელი

ერთის მხრივ, სსიპ თვითმმართველი თემი საჩხერის მუნიციპალიტეტი (შემდგომში „შემსყიდველი“), წარმოდგენილი საჩხერის მუნიციპალიტეტის გამგებლის მალხაზი ბაზაძის სახით და მეორეს მხრივ, შ.პ.ს „ინჟინერიუსი“-ი (შემდგომში „მიმწოდებელი“), წარმოდგენილი მისი დირექტორის ასლან ჯანჯღავას სახით, ორივე ერთად წოდებული, როგორც „მხარეები“, ემოქმედებთ, რა საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებული ტერმინების განმარტება

1.1 ამ ხელშეკრულებაში გამოყენებულ ტერმინებს აქვს იგივე მნიშვნელობა, რაც მათ მინიჭებული აქვთ „სახელმწიფო შესყიდვების შესახებ“ საქართველოს კანონისა და შესაბამისი კანონქვემდებარე ნორმატიული აქტების შესაბამისად.

2. ხელშეკრულების საგანი

2.1 ხელშეკრულების საგანია საჩხერის მუნიციპალიტეტის ბიუჯეტის სახსრებით მომსახურების შესყიდვა გამარტივებული ელექტრონული ტენდერის საშუალებით, წინამდებარე ხელშეკრულებით გათვალისწინებული პირობების შესაბამისად.

3. შესყიდვის ობიექტი

3.1 შესყიდვის ობიექტია კლასიფიკატორის კლასის 71242000 კოდით გათვალისწინებული მომსახურება, კერძოდ: ქ.საჩხერეში ღურმიშიძის ქუჩაზე ყოფილი კომისარიატის ტერიტორიაზე სკვერის მოწყობის სამუშაოების საპროექტო დოკუმენტაციის შედგენისა და ხარჯთაღრიცხვის გამოთვლა.

3.2 საპროექტო და სახარჯთაღრიცხვო დოკუმენტაცია წარმოდგენილი უნდა იყოს 4 ეგზემპლარად ქაღალდის ვერსია და 1 ეგზემპლარი ელ. ვერსია, (ნახაზები და სქემატური ნაწილი – PDF-ისა და autocad-ისა ან archicad-ის ფორმატში, ხოლო სახარჯთაღრიცხვო ნაწილი EXCEL ფორმატში. CD ან DVD დისკზე.

4. ხელშეკრულების ღირებულება

4.1 ხელშეკრულების ღირებულება შეადგენს 3000 (სამიათასი) ლარს.

4.2 ხელშეკრულების ღირებულება მოიცავს როგორც მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

შემსყიდველი



მიმწოდებელი



4.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

5. ხარისხი და გარანტია

5.1 მომსახურების ხარისხი უნდა შეესაბამებოდეს დადგენილ სტანდარტებს და აკმაყოფილებდეს შემსყიდველის მიერ განსაზღვრულ მოთხოვნებს.

6. მხარეების უფლებები და მოვალეობები

6.1 შემსყიდველს უფლება აქვს:

6.1.1 შეამოწმოს მომსახურების ხარისხის შესაბამისობა ხელშეკრულებით გათვალისწინებულ პირობებთან;

6.1.2 განახორციელოს კონტროლი და ზედამხედველობა მიმწოდებლის მიერ ხელშეკრულების დაცვაზე.

6.2 შემსყიდველი ვალდებულია:

6.2.1 წერილობით აცნობოს მიმწოდებელს მომსახურების მიწოდებასთან დაკავშირებით გამოვლენილი ხარვეზების შესახებ;

6.2.2 უზრუნველყოს მომსახურების შესრულების კონტროლი და დადებითი შეფასების შემთხვევაში მისი მიღება;

6.2.3 ამ ხელშეკრულების მე-3 მუხლით გათვალისწინებული მომსახურების მიწოდებისთვის მიმწოდებელს აუნაზღაუროს არაუმეტეს 3000 (სამიათასი) ლარი.

6.2.4 ანგარიშსწორება მიმწოდებელთან მოახდინოს ამ ხელშეკრულების მე-10 მუხლის შესაბამისად;

6.3 მიმწოდებელს უფლება აქვს:

6.3.1 მოთხოვოს შემსყიდველს მიწოდებული მომსახურების ღირებულების ანაზღაურება ამ ხელშეკრულებით გათვალისწინებული პირობების შესაბამისად;

6.3.2 მონაწილეობა მიიღოს შემსყიდველის მიერ განხორციელებულ მომსახურების შესრულების კონტროლის პროცესში.

6.4 მიმწოდებელი ვალდებულია:

6.4.1 მიმწოდებელი პასუხისმგებელია პროექტისა და ხარჯთაღრიცხვის სრულყოფილებაზე. წინააღმდეგ შემთხვევაში ვალდებულია აუნაზღაუროს მიმწოდებელს მის მიერ დაშვებული უზუსტობით/შეცდომით გამოწვეული ნებისმიერი მატერიალური და არამატერიალური ზიანი.

6.4.2 დაიცვას ხელშეკრულებით გათვალისწინებული ყველა პირობა. ამ ხელშეკრულების მე-3 მუხლით განსაზღვრული მომსახურების მიწოდება უზრუნველყოს არაუმეტეს 3000 (სამიათასი) ლარად.

6.4.3 განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე, დაუყოვნებლივ უზრუნველყოს აღმოჩენილი ხარვეზების გამოსწორება;

6.4.4 განახორციელოს შემსყიდველის ინფორმაციული უზრუნველყოფა მიწოდებული მომსახურების შესახებ;

შემსყიდველი



მიმწოდებელი



6.4.5 გააფრთხილოს შემსყიდველი მიწოდების პროცესში შეფერხების შესახებ.

7. ხელშეკრულების შესრულების კონტროლი

7.1 შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განხორციელოს კონტროლი მიმწოდებლის მიერ ნაკისრი ვალდებულების შესრულებაზე, მათ შორის მომსახურების ხარისხის პერიოდული კონტროლი.

7.2 ხელშეკრულების შესრულების კონტროლს შემსყიდველის მხრიდან განხორციელებს ამ მიზნით საჩხერის მუნიციპალიტეტის გამგებლის 2014 წლის 31 ივლისის № 268 ბრძანებით შექმნილი ჯგუფი.

7.3 კონტროლის შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყონებლივ წერილობით აცნობებს მიმწოდებელს მიზეზების მითითებით.

7.4 გამოვლენილი დეფექტების ან ნაკლის აღმოფხვრასთან და ხელახალ კონტროლთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

8. შესყიდვის ობიექტის მიწოდების ვადები და ადგილი

8.1 შესყიდვის ობიექტის მიწოდება განხორციელდება 2017 წლის 12 მაისის ჩათვლით.

8.2 შესყიდვის ობიექტის მიწოდების ადგილია ქ. საჩხერე, თავისუფლების ქ. №4

9. შესყიდვის ობიექტის მიღება-ჩაბარების წესი

9.1 შესყიდვის ობიექტის მიღება წარმოებს მიღება-ჩაბარების აქტით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით, ხელშეკრულების შესრულების კონტროლის განმახორციელებელი ჯგუფის წევრების დადებითი დასკვნის საფუძველზე.

9.2 შესყიდვის ობიექტის მიღებას აწარმოებს საჩხერის მუნიციპალიტეტის გამგეობის სივრცითი მოწყობის მშენებლობისა არქიტექტურის და ზედამხედველობის სამსახურის უფროსი ბენიამენ ფალავანდიშვილი.

9.3 საჭიროების შემთხვევაში შემსყიდველი ვალდებულია ოპერატიულად, წერილობითი სახით აცნობოს მიმწოდებელს საბოლოო შემოწმების შედეგები დაწუნებული მომსახურების მოცულობის და წუნდების მიზეზის მითითებით.

10. ანგარიშსწორება

10.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა—ლარი; ბ) ანგარიშსწორების ფორმა—უნაღდო; წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

10.2 შემსყიდველი იღებს ვალდებულებას, გადაუხადოს მიმწოდებელს მიღებული მომსახურების ღირებულება მიღება-ჩაბარების აქტის, საპროექტო-სახარჯთაღრიცხვო დოკუმენტაციის და სათანადო საბუთების წარმოდგენიდან 10 (ათი) სამუშაო დღის განმავლობაში.

შემსყიდველი

მიმწოდებელი

11. ხელშეკრულების შესრულების შეფერხება

11.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომლის გამო ფერხდება ხელშეკრულების პირობების შესრულება, ამ მხარემ დაუყონებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით, ხელშეკრულების მე-13 მუხლის შესაბამისად.

12. მხარეების პასუხისმგებლობა ხელშეკრულების დარღვევისას

12.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

12.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებებს, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებული იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

12.3 ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

12.4 ხელშეკრულებიდან გასვლასთან და ზიანის ანაზღაურებასთან დაკავშირებით გამოიყენება საქართველოს სამოქალაქო კოდექსი.

12.5 მხარეს ამ ხელშეკრულებით ნაკისრი ვალდებულებების შეუსრულებლობის ყოველი ფაქტის გამო მეორე მხარის სასარგებლოდ ეკისრება პირგასამტეხლო ამ ხელშეკრულების ღირებულების 0.1 პროცენტის ოდენობით.

12.6 საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

12.7 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს პირგასამტეხლოს ანაზღაურება.

13 ხელშეკრულებაში ცვლილებების შეტანა

13.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.

შემსყიდველი _____

მიმწოდებელი _____



13.2 თუ რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

14 დავები და მათი გადაწყვეტის წესი

14.1 ხელშეკრულების შესრულებისას მხარეებს შორის წარმოქმნილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე, რაც უნდა გაფორმდეს წერილობით.

14.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

15 ხელშეკრულების შეწყვეტა

15.1 თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში. აღნიშნულის თაობაზე მეორე მხარეს უნდა ეცნობოს წერილობით 10 დღით ადრე.

15.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

15.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

16 ხელშეკრულების მოქმედების ვადა

16.1 წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს 2017 წლის 29 დეკემბრის ჩათვლით.

17 ფორს-მაჟორი

17.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

17.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომასა და დაუდევრობასთან - და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

17.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

შემსყიდველი



მიმწოდებელი



18. სხვა დებულებები

18.1 სისტემაში ატვირთული №NAT1700002420 გამარტივებული ელექტრონული ტენდერის სატენდერო დოკუმენტაცია წარმოადგენს ამ ხელშეკრულების განუყოფელ ნაწილს.

18.2 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

18.3 არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე.

18.4 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

18.5 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა, სამი ეგზემპლარი ინახება შემსყიდველთან, ხოლო ერთი ეგზემპლარი – მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

18.6 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილი მხარეთა მიერ.

19. მხარეთა რეკვიზიტები და ხელმოწერები

შემსყიდველი:

სსიპ თვითმართველი თემი საჩხერის

მუნიციპალიტეტი

მისამართი: 4000 ქ. საჩხერე, თავისუფლების ქ. №4

სნ - 239393811

ტელეფონი: 0(435)221300,

მიმწოდებელი:

შ.პ.ს „ინჟინერიუსი“-ი

მისამართი: ქ.მცხეთა

კ.გამსახურდიას ქ №10

საბანკო რეკვიზიტები:

ა/ა GE42BG0000000714115800

სს „საქართველოს ბანკი“,

კოდი BAGAGE22

სნ - 436037156

ტელეფონი: 557736487

მალხაზი ბაზაძე,

საჩხერის მუნიციპალიტეტის

გამგებელი

ასლან ჯანჯღავა,

შ.პ.ს „ინჟინერიუსი“-ს

დირექტორი

ტექნიკური დავალება

ქ.საჩხერეში ს.დურმიშიძის ქუჩაზე ყოფილი კომისარიატის ტერიტორიაზე სკვერის მოწყობის
საპროექტო-სახარჯთაღრიცხვო დოკუმენტაციის შესადგენად

ძირითადი მოთხოვნები	ტოპოგეოდეზიური სამუშაოების ჩატარება, არსებობის შემთხვევაში საინჟინრო ქსელების არსებული მდგომარეობის დაფიქსირებით, საინჟინრო გეოლოგიური დასკვნა. არქიტექტურული პროექტი, კონსტრუქციული პროექტი, სპეციალური სამუშაოების პროექტი (კანალიზაცია, სანიაღვრე სისტემა, გარეგანათება) შ.შ.მ პირთათვის პანდუსის მოწყობა, აქსონომეტრიული ნახაზები, ჭრილები, რენდერები, განშლები, მშენებლობის წარმოების კალენდარული გრაფიკი, ხარჯთაღრიცხვა ს.დურმიშიძისა და რუსთაველის ქუჩაზე საყრდენი კედლის მოწყობა, სავალი ბილიკების მოწყობა ხელოვნური ქვის (ბრუშატკის) გათვალისწინებით, დურმიშიძის ქუჩიდან რუსთაველის ქუჩაზე და სკვერის ტერიტორიაზე მოსახვედრად კიბეების მოწყობა, სასმელი წყლის ფანტანების მოწყობა, შ.შ.მ პირთათვის ცალკე. სკვერში სპორტულ-გამაჯანსაღებელი მოედნის მოწყობა ტრენაჟორების დამონტაჟებით, სპორტულ მოედანზე სპეციალური რბილი საფარის მოწყობა ასაწყობი ფილებით, საჩრდილობელის მოწყობა, გარე განათების მოწყობა, დასაჯდომი მერხების და სანაგვე ურნების დამონტაჟება, ტერიტორიის დაბალი ჯიშის ნარგავებით მაქსიმალურად გამწვანება.სარწყავი სისტემის მოწყობა.
სხვა დამატებითი მოთხოვნები	საჭიროების შემთხვევაში პროექტი შეთანხმდეს მიწისქვეშა საინჟინრო კომუნიკაციების (წყლის, ბუნებრივი აირის, ელექტრო ენერგიის, კანალიზაციის) მომწოდებელ ორგანიზაციებთან.
მშენებლობის ღირებულების განსაზღვრა	მშენებლობის ღირებულება გაანგარიშებული იქნას მოქმედი სამშენებლო ნორმების შესაბამისად.

შემსყიდველი



მალხაზი ბაზამე

მუნიციპალიტეტის გამგებელი




მიმწოდებელი

ასლან ჯანჯღავა

შ.პ.ს „ინჟინერიუსი“-ს

დირექტორი




2017 წლის 28 მარტის #37 ხელშეკრულების დანართი #1

#	მომსახურების აღწერა	მომსახურების ღირებულება
1	ქ.საჩხერეში ს. დურმიშიძის ქუჩაზე ყოფილი კომისარიატის ტერიტორიაზე სკვერის მოწყობის სამუშაოების პროექტისა და გეგმის მომზადების, ხარჯების გამოთვლის მომსახურება.	3000
2		3000

შემსყიდველი

მალხაზი ბაზაძე

მუნიციპალიტეტის გამგებელი



მიმწოდებელი

ასლან ჯანჯღავა
შ.პ.ს „ინჟინერიუსი“-ს
დირექტორი

